

Sier Domenego Venier, fo di Pregadi,	
qu. sier Andrea procurator	112. 93
Sier Santo Trun, fo di Pregadi, qu. sier	
Francesco.	89.117
Sier Piero Bragadin, fo provedador sora	
le eamere, qu. sier Andrea	104.104
Sier Mafio Lion, fo avogador di Comun	
qu. sier Lodovico	105.106
† Sier Marin da Molin, è di Pregadi, qu.	
sier Jacomo	125. 85

Uno Savio sora le aque, in luogo di sier Gasparo Malipiero ha compido.

Sier Polo Valaresso, è di la Zonta,	
qu. sier Gabriel	89.109
† Sier Gasparo Malipiero, fo Savio sora	
le acque, qu. sier Michiel	151. 46
Sier Hironimo Trivixan, fo ai X savi,	
qu. sier Domenego	90.108
Non. Sier Piero Trun, fo podestà a Brexa	
qu. sier Alvise, per aver posses-	
sion.	

A dì 5. La matina el Doxe non fu in Colegio, nè fu alcuna letera da conto, nè cossa notanda.

Da poi disnar, fu Colegio di la Signoria con li Savi sora le acque, per tratar dove dieno butar el teren cavano, e voleno butarlo drio la Celestia; *tamen* nulla fu concluso.

Se intende, l'orator dil Serenissimo re di Hongaria esser zonto a Santa Lena, et ivi starà questa notte. Et fo mandato a prepararli la caxa fo da cha' Corner a San Samuel, qual è stà tolta afito per la Signoria per ducati 50 in mexi 6, et stagando più tempo, a la rata; sichè vi alozerà, è con boche

A dì 5. Fo zorno di Pasqua Tophania *sive* di la Epifania. La Signoria fo in chiesa a messa con li oratori Papa, Franza, Ferrara et Mantoa, vice doxe pur sier Luca Trun, e li Procuratori ubligati, et vene *etiam* sier Alvise Pixani procurator.

È da saper, la Signoria mandò 4 zentilhomeni, di quelli accompagnarono la Signoria, *videlicet* sier Nicolò Tiepolo dotor, sier Marin Sanudo qu. sier Lunardo, sier Hironimo Barbarigo qu. sier Andrea e sier Lodovico Barbarigo a visitar l'orator dil re di Hongaria domino Philippo More, e farli intender come si prepara lo alozamento, e doman verà di qui.

323. *Di rectori di Padoa, sier Marin Zorzi dotor podestà, e sier Alvise Contarini capitano di eri.* Dil zonzer li dil signor principe di Bisignano,

vien di Spagna, con cavali 70 et persone 80 alozato ne lo episcopato, dove sier Zuan Corner di sier Zorzi procurator li fa le spese. Sono andati ad incontrarlo, et doman, ch'è ozi, lo accompagnerano al Domo a la messa in chiesa.

Unde, fu terminato prepararli la caxa di Dandoli in cale de le Rasse, et mandarli zentilhomeni contra. El qual ba de intrada ducati 30 mila; è il primo del reame, è di età di anni 17. Quello seguirà ne farò nota di soto.

A dì 7. La matina, il Doxe non fu pur in Colegio, stà in leto per sti gran fredi, e ha pur qualche dolor a la gamba. Non fo alcuna letera da conto, *solum* da Padoa, come el principe di Bisignano eri andoe a la caza.

Fo davanti la Signoria una question di sier Michiel Salamon e altri, quali voleno fra Ruffiù Lovato predicator di l'ordene di San Francesco di Observanti, et vien in questa terra, predichi a San Zacharia, et a l'incontro sier Piero Zen e altri voleno el predichi a Crosechieri, per averli dato la promessa zà più mexi. Hor parse a la Signoria balotar in Colegio dove el dovesse predichar questa Quaresima, et 10 fu a San Zacharia, et 9 a Crosichieri, sichè de una balota San Zacharia otene: cosa che 'l Colegio non à de impazar in tal cosse.

Da poi disnar, fo Consejo di X con la Zonta, et fono sopra certi processi, et nulla fo expedito.

Di Franza, fo letere dil Badoer orator nostro, da Bles, di 27, in zifra. Il sumario dirò, lete saranno in Pregadi.

Fo scrito a Padoa a li rectori, come volemo honrar la persona del signor principe di Bisignano, et li manderemo doman zentilhomeni a Liza Fusina, et poi altri lo riceverà con li piati a San Biasio over Santa Marta, et li havemo preparato alozamento.

Fo scrito a sier Marco Lando capitano di Creta, in risposta di soe di 8 Octubrio come havia fatto la monstra a quelli nobeli e feudali e la lauda molto; de che ne ha piacesto molto, et debano perseverar a star ben in ordene et preparati.

È da saper, eri, fo el dì de la Epiphania, fo fatto do pera di noze di do nominati Constantin, che do altri Constantini nobeli è *solum* in questa terra, *videlicet* sier Costantin Zorzi qu. sier Andrea in la fia di sier Agustin da Mula so compagno, et sier Costantin da Molin qu. sier Zuane vechio, in la fia di sier Baldisera Moro qu. sier Zuan procurator.

A dì 8. La matina, el Doxe non fu in Colegio, 324 ma stà meglio.

Da poi disnar, fo Colegio di Consieri e Savi per